

興義府志卷十四目錄

河渠志 津渡 隄附

興義府津渡 徽老 羅凹 渡渡

興義縣津渡 安夏 岫皓 渡渡

天星橋渡

江隴底納渡

魯打布謝渡

白壩雲達渡

采岫水結渡

安南縣津渡 大章渡

貞豐州津渡 坡脚 渡渡

花板江屯渡

龍灣渡甸渡

白層板壩渡

者八坪渡

羅炎渡

興義府隄塘 招公 培風 塘隄

興義縣隄塘 乾陰 綠塘 塘

普安縣隄塘 堰塘

興義府志 卷十四 目錄

安南縣隄塘 紫塘

興義府志卷十四

興義府知府張鎡纂修

河渠志

津渡隄附

興義府境內。渡凡二十有五。興義府有二。曰徽老。曰羅凹。皆在紅水江。紅水江。卽南盤江。興義縣有十一。曰安厦。曰隴納。曰打謝。曰壩達。章。曰岵結。曰岵皓。此六渡。亦在紅水江。曰江底。曰魯布革。曰白雲屯。此三渡。在塊澤河。曰采水。此一渡。在馬別河。曰天星。此一渡。在天星橋。貞豐州有十一。曰坡脚。曰板屯。曰灣甸。曰板壩。曰八渡。曰渡邑。此六渡。亦在紅水江。曰花江。曰龍渡。曰白層。曰者坪。曰羅炎。此五渡。在北盤江。安南縣有一。曰大章河渡。在縣城東大章河渡。隄塘。則全境

興義府志

卷十四

津渡

一

貴陽文通書局代印

凡六。以類附後。

興義府津渡

徽老渡。在府城西南七十里。

羅凹渡。在府城西南九十里。

按由羅凹渡。南渡紅水江。卽西隆州界。西隆州志作六凹。

興義縣津渡

安厦渡。在縣城西南一百八十五里。距捧鮓城六十里。

隴納渡。在縣城南二百十里。距捧鮓城九十里。

按由隴納渡。南渡紅水江。爲西隆州古障甲之馬蚌塘。

打謝渡。在縣城西南一百九十里。距捧鮓城一百里。

壩達章渡。在縣城東南一百九十里。距捧鮓城一百里。

按由壩達章渡。南渡紅水江。爲西隆州岵結甲之秧索寨。

岵結渡。在縣城東南二百六十里。距捧鮓城一百二十里。

岵皓渡。在縣城東南七十里。

按岵皓渡。在縣東南。接府屬岵皓亭界。在府西南九十里。

江底渡。在縣城西四十五里。

按江底渡。知縣陳熙設。在江底汛。西清水江。清水江。卽塊澤河。

附文

江底官渡記

道光興義  
縣知縣 陳熙雲  
南人

縣治之西南。有江底河焉。匯平夷羅平之水。於滇粵黔相通之要道。岸闊數十丈。奔流迅激。春夏之交。時雨大至。瀾漫無涯。昔建有鐵索橋。旋即漂沒。而徒杠輿梁。鳩工匪易。爰藉舟楫之利。以濟不

興義府志

卷十四

津渡

二

貴陽文通書局代印

通。而渡船於是乎設也。曩者黔之普安。滇之羅平二州。各設渡船。自嘉慶二年。苗匪不靖。普安渡船。被焚無存。改建興義縣以來。闕焉未設。僅有羅平一船。操舟者居奇壟斷。一壺千金。行旅苦之。丁卯春。余代庖斯邑。目擊情形。爲之於邑。考周官之制。合方氏。掌達天下之道路。司險。掌九州之圖。以周知其川澤之阻。然則澤無陂障。川無舟梁。非民與商之事。而爲政者之責也。興義爲新開苗疆。兵燹之後。百度未舉。凡文廟壇壝。以及養濟義冢。諸要務。規制闕如。余不敢存五日京兆之見。次第勉行。其有病民涉者。何可廢而不興。爰捐薄俸。設立大渡船一。救生小船二。以濟往來。而拯溺。然事貴善成。功期永濟。使司舟無恒產。則苛索。救人無重賞。則不力。况舟槳易壞。而歲修之資。必當慮及。亟思勸諭商民。設立公田。爲

官渡永遠計。乃有江右撫州之民。商於興者。欣然起曰。公田一役。我撫州一郡之民。可獨任也。並寓書其鄉之商於興者。亦皆翕然樂從。輸將恐後。閱五月而獲數百金。買岸側一莊。作爲渡夫養膳之產。俾得俯仰有資。永杜勒索之弊。此外並捐餘田。用以獎拯溺勤修葺焉。夫撫民。非居是邦者也。亦非朝夕恒經此渡者也。乃不分畛域。不惜資財。不假衆力。而踵成美舉。其協力急公。勇於爲善。濟人利物之功。顧不偉歟。嗟呼。世人往往守楊氏爲我之說。損益得失。籌之唯恐不審。問有舍己助人。慷慨任事者。誰耶。使皆以撫民之心爲心。則凡山澤之險阻者。以人力補救而彌縫之。亦何險之不可平。何阻之不可通也哉。余故歷敘之。而勒其姓氏於石。以志不忘云。

魯布革渡。在縣城西。一百三十里。距捧鮓城三十里。

白雲屯渡。在縣城西南。白雲汛。渡在汛西。距縣一百六十里。距捧鮓城四十里。

采水渡。在縣城東。馬別河。

天星渡。在縣城東二十里。

按舊有橋曰天星橋。今圯。設渡爲由郡赴縣城捷徑。

安南縣津渡

大章河渡。在縣城東。

通志云。大章河。在安城東四十里。有渡。

貞豐州津渡

坡脚渡。在冊亨城西南。距府城七十里。

板屯渡。在册亨城西南。距坡脚十二里。

按板屯渡。考之西隆州志。與西隆州之下棒寨。隔江相對。灣甸渡。在册亨城西南。距板屯五里。

按自府往西隆州。於此渡江。

板壩渡。在册亨城西南。距灣甸四十里。

八渡。在册亨。城東南。距板壩八十七里。

識略云。册亨。由八渡。出西隆州。爲大道。

西隆州志云。由八渡。南渡紅水江。至西隆州。二百八十里。

按今考由八渡。南渡紅水江。至西隆舊州。二十里。

渡邑渡。在州城東南三百六十里。

花江渡。在州城北九十里。花江巖下。

興義府志

卷十四

津渡

四

貴陽文通書局代印

識略云。貞豐州。由者相塘。至花江渡。爲赴省要津。商賈不絕。官設渡船。

按花江渡。嘉慶初。有羅某購南岸田。爲渡夫工食。及修舟費。利濟至今。

下江龍渡。在州城南七十里。

識略云。貞豐州城南七十里。有下江龍渡。設有官船。以渡行人。

白層渡。在州城南門外。距城四十里。

識略云。白層渡。鄉民自置小船。通行下江。并粵西。

按白層渡。嘉慶二十四年。知州馮濂。改爲官渡。捐金置產。供給渡夫。道光元年。知州申啓鑣。又購近岸官地三區。收息以備修舟費。上江民黃氏。捐舟以渡行人。

者坪渡。在州東南。

羅炎渡。在州城東南。

按紀略云。清水江。自永甯州入境。至者香。與紅水江。合流二百餘里。皆絕壑懸崖。奔濤駭浪。可以亂流爲渡者。花江之外。僅止數處。蓋謂白層者坪羅炎諸渡也。

### 興義府隄塘

招公堤。在府城北門外。

按康熙三十三年。遊擊招國遴築。有記勒石。後圯。郡人修之。道光二十九年。知府張鏞。又築高五尺。咸豐四年。又築屋三楹。顏曰省耕亭。郡人黃紹琦。亦築亭一。顏曰挹秀亭。隄側多古柳。隄左近水遙山。皆有西湖風景。荷池廣數畝。花開十里荷香。隄右一片平波。

## 興義府志

### 卷十四

津渡

五

貴陽文通書局代印

遠見城郭。水淺處爲水田。稻花香時。隄上微行。不啻羲皇上人也。隄盡卽金星山。半山亭在其上。省耕亭。鏞有聯云。客亦知夫水月乎。卽此悟天星人性。翁之樂者山林也。倩同參鳥語花香。教授張元弼集句聯云。且爲醉客兼吟客。四顧山光接水光。華亭朱逢甲聯云。水色涵山色。荷香雜稻香。郡人張萬春聯云。課士勸農。湖南岑敷教淵源。好從花柳池臺。悟時行物生之妙。耕雲釣月。想西湖暢遊樂趣。還向桑麻場圃。安出作入息之常。張國華聯云。乾坤一草亭。日往月來。觀大化流行。釀成山水清音。風雲變態。天地皆逆旅。漁歌樵唱。覺生機勃發。領取鳶魚活相。花柳精神。邢士蒸聯云。前招公。後張公。乃武乃文。挽滄海狂瀾。並作中流砥柱。仿白隄。肖蘇隄。好山好水。緬遺風高咏。翛然上界神仙。張有垣聯云。何處新

修重資籌楷樹聶府知潛顯劉兵總鎮義安年元國民兵於燬悉閣亭有舊許里北城府在隄招



腔聽來歧麥連聲頌此間小憩悟到甘棠勿拜時。

附文

招公堤記

闕名

自昔謝安築堤於廣陵。何易于築堤於建昌。范仲淹築堤於興化。或以環城資險。或以漑田資利。要皆有便於民也。故當時稱之。後世傳之。若我參戎招公之築堤於南籠城之海子北。更有爲往古賢豪所難及者。南籠地處邊陲。粵喉滇吭。實黔地之險。城北有水。潏洄迤邐數十里。長如虹貫。浩瀚洸瀆。其勢不聚。夫水之積也不厚。則氣之凝也不力。議有以爲南籠地處險僻。鋒羽時至。用武不甯。職此故也。邇來幸際

皇靈遐暢。文教遠敷。鴻雁稍集。漸有起色。然戶口未實。士風未振。

興義府志

卷十四

津渡

六

貴陽文通書局代印

豈天地之生才。獨慳於此地與。良由培植長養者之未得其人耳。惟我招公。風流儒將。或中流而動擊楫之歌。或臨波而興投膠之思。戎機稍暇。覽勝汪洋。甫任數月。即以創堤圩堰爲己任。縮俸蠲鏹。將近百鎰。於是估價命工。斲山伐石。瀦水築堤。親率各匠。挾畚鍤。埭之堰之。甃之砌之。省試勿替。共計長八十餘丈。闊八尺許。肇工於甲戌孟冬。落成於丙子孟春。工竣而凡斜湍飈浪。亦不能有剗激洗齒之患。而又淵然黛泓。然靜。氣象萬千。泱泱乎大國之觀矣。陰則有烟霧排空之勢。晴則有日月漾波之奇。時而樵夫牧豎。憇濯足以臨流。時而遊客騷人。借觀瀾以抒咏。豈獨增崇墉之金湯。屹三軍之壁壘也哉。孰非此堤之成。有以致之。而然歟。將見淵渟浩淼。躍金浮璧。風培秀水。昌運啓祥。較之謝何諸公。又爲過之。



公之加惠於南籠士民。豈有艾哉。命曰招堤。後之人顧名思義。亦甘棠不忍忘之意也。雖然。事難剏始。久無不湮。嗣而葺之。更有望於後之官斯土者。有以繼公之志。而成公之德於無窮也。南籠士民。何能忘情於我公也。銘曰。海水湯湯。衆水之王。南籠有水。勢若海洋。蜿蜒千尺。影吞混茫。滇喉粵吭。瀾屹金湯。佳氣蓄萃。鬱而爲瑞。堤之成矣。唯水之聚。水之聚矣。唯民之庇。穀我南籠。訐謨培植。惟我招公。氣貫長虹。奔瀧怒濤。就束龍宮。砌之堰之。石輦土籠。駕言省試。日出於東。招隄名錫。衆曰我父。灑酒賦詩。鳧鷖在渚。景運光昌。今勝於古。食報萬年。受天之祐。

培風塘。在府城東北。

按培風塘。在城東北。咸豐三年。副貢生張國華等築。以培文風。稟

興義府志

卷十四

津渡

七

貴陽文通書局代印

請嚴禁決洩塘水。知府張鎡。判准立碑。

附文

禁決塘水示

張 鎡

爲禁決塘水事。據副貢生張國華等稟稱。捐金築壩。召匠氏以鳩功。伐石爲基。呈聯名之駢稟。深裨興郡。意主培風。媲美招隄。形如偃月。指顧綠波蓄聚。宜判牘而獎辛勞。心虞黑夜私開。准立碑而申嚴禁。

興義縣隄塘

乾塘。在縣城西門外。

按乾塘。相傳塘舊有龍。曾與水精觀之鐘鬥。鬥敗而遁之滇河。今塘中有龍潭。地勢蜿蜒。有龍洞。深數丈。

綠陰塘。在縣城南門外。

按塘在南門外。筆架山麓。水極清澈。

普安縣隄塘

堰塘。在新城。

按堰塘。在新城西北。

安南縣隄塘

紫塘。在縣東十二里。

按安南志。以紫塘晚照。爲十景之一。

又按津渡。所以利行人。隄塘所以興水利。郡之津渡。有渡田者。最善。可保永久。至隄塘。鎡嘗屢修。招隄。近郡士又築培風塘。郡屬州縣吏民。當必有與予同志者。相與利濟一方也。